



SBS nih radio le ca/holh lei a riantuannak cu hmailei ah a thancho chin khawh nak hnga tiah zapi sinah ruahnak a hal

Special Broadcasting Service cu Australia ramchung mipi hna caah riantuan ding hi a hmaithlak zungzal mi a si. SBS nih hin ca le holh lei a riantuannak cu SBS Radio hmangin zohthannak a tuah lengmang caah nihin ni caan zongah hin mipi sinah ruahnak le lungthin cheuh ding sawmnak kan rak tuahnak hi a si.

Kum nga dan voikhat in SBS nih ca le holh lei a riantuannak cu zohthannak a ngeih lengmang, hi riantuahnak zohthannak hi rampi milurelnak an tuah caan he I khat in tuah tawn a si. Australia cu miphun tampi I cawh in khuasaknak a si bangin le rang ngaiin a thangcho mi ram a si caah, SBS zong nih 2021 milurelnak zohchih le Australia a dirhmun hoihning in rian a tuan khawh ve nak dingah a riantuannak a zohthan lengmang ve nak hi a si.

SBS holh le ca a riantuannak tangah a ummi SBS On Demand, podcasting le a dangdang thawngzamhnak hna cu hi zohthannak ah aa telmi pawl an si.

Zarhruk chung a kal dingmi mipi sin ruahnak halnak cu nihin in a thok lai i 12 Sikpar (Nov) ah dihter a si te lai. SBS a riantuannak ah I teltum khawhnak dingah a tu bantuk caan hi mipi caah caan tha tuk a si. Mipi sin in donmi ruahnak le lungthin cheuhbauhnak pawl hna cu SBS a riantuannak kong he pehtlaih in biachahnak tuah tikah ruahchih le zohchih an si te lai.

SBS ca le holh lei a riantuannak ah lutlai a simi, David Hua nih hitihin a chim, "miphun aa dang liangluang mi an umnak Australia ah SBS nih rammi hna he pehtlaihna tha ngaiin rian a tuan khawh nak a ruang cu ca le holh lei a riantuannak ah holh phun tampi an I tel caah a si. Kum 45 reng lo mipi caah pehzulh tein rian kan tuan kho. Nihin ni caan ah miphun dang holh 60 lengin thawng kan zamh i thawngzamhnak ah radio, podcast le apps pawl kan hman hna. Atutan kan riantuanning zohthannak nih SBS hmailei a kar hlannak ah a bawmh chanh hrimhrim lai ti kan zumh.

"COVID-19 pulrai puanchuah lio ah SBS I holh le ca lei a riantuannak cu hmual a hun ngeih ngaingai nak a ruang cu thawngpang theih a herh mi hna le ngandamnak lei kong theih a herh mi pawl hna cu mipi hna sinah an mah le holh/ca cio in thawngthan an si. Cucaah, Australia rammi holh le ca a dang liangluang mi hna nih an theih a herhmi kong hna an sinah phakter a si khawh nak ding caah holh le ca lei kan riantuannak kan zohthan ding hi a biapi tukmi cu a si."

Kum 2022 biareithlep(May) ah kan tuan hnga dingmi cu biachahnak tuah ding le ca le holh lei he pehtlaih kan riantuannak zohthannak kan ngeihmi cu kum 2022 a dih hlan ah rian hma domh le kalpi a hau mi a si.



Mipi sin ah ruahnak le lungthin cheuhnak caan cu Tho (Oct) 5 in 12 Sikpar (Nov) 2021 kar a si lai.
A hran in chuahpi mi tuan dingmi rian kong hna cu zoh le na ruahnak rak langhter ve na duh
ahcun [sbs.com.au/consultation](https://www.sbs.com.au/consultation) ah len khawh a si.